

qinnuteqartog / qinnuteqaassutaq / siunertag / suliniutip allaaserinera: akuersissutaasut:

Christoffer Pedersen Stenbakken 200.000  
København

Christoffer Pedersen Stenbakken  
Carl Florian Taunajuk  
Alberte Parnuuna Lings Skifte  
København

Pilersaarut: Tasiilami inuusuttunut nangeqattaartuliaq

Iluanaarutitaqanngitsumik pisuusaartitamik nangeqattaartumik suliarilluakkamik Tunumi Tasiilami inuusuttut inuusuttuaqqallu suleqatigalugit sanianarpugut. Inuusuttut namminneq suliap ingerlanera tamaat peqataaffigissavaat: Oqaluttuap ineriartortinnerani, manuskriptip allannerani aammalu assiliiviup saavani pingaarnertut inuttaallutik. Nangeqattaartuliaq akeqanngitsumik takutinneqassaaq.

Tasiilaq Naalagaaffeqatigiinnerup iluani illoqarfiugunarpog tusaamanerlunneqarnerpaaq. Danmarkimi aammalu Kalaallit Nunaata sinnerani atornerluinernut imigassamillu atornerluinermut ilisarnaatinngorsimalluni. Oqaluttuaq nuanniitsoq illuinnaasiortorlu Tasiilamut Tunumullu tunngasoq inuusuttut imminnut isiginerannut ajortumik kinguneqarpoq. Tunu danskit kalaallit nunaannilu kitaanit eqqartorneqaraangami, tamatigunajak pitsaanngitsumik eqqartorneqartarpoq. Tasiilap Tunullu illuinnaasiortumik nuanginngitsumik oqaluserineqartarnerata inuusuttut imminnut isiginerat pitsaanngitsumik sunnertarpaat. Oqaluttuaq nuanniitsoq imminut tunngasoq uteqattaarlugu tusarneqartua-leraangat naggataatigut upperineqalersarmat.

Uanga aamma Carl Tasiilami peroriartornikuuvugut, ilisimallugulu sorpassuarnik neqerooruteqarsinnaasoq tusaamanerluutaasut saniatigut. Tulluusimaarnartussaavoq kinaaneq, suminngaaneernerlu oqaatigigaanni. Pilersaarusiarpugut illoqarfimmi inuusuttut imminnut tatigilerannik imminnullu naleqartinnerannik pilersitsisinaavoq. Mikrofoni kikkut tamarmik oqallisaannut tunniuttassavarput, namminneq imminnut tunnga-sunik oqariartornissaminnut periarfissinneqajuitsunut – Tasiilamilu inuusuttut periarfissillugit nammineq oqaluttuarnissaannik.

Inuusuttut periarfissinneqassapput filmip pilersinnerani suliasanut tamanut peqataanissaminnut. Nangeqattaartuliaq inuusuttut pingaartitaan-rik imaqqassaaq inuusuttullu nangeqattaartuliami nammineerlutik pilersitsisassapput. Suliaq misilerarneqareerpoq ilisimaneqarlunilu soorlu assersuutigalugu norgemi SKAM aammalu inuusuttunut sanaani allarpassuarni. Suliarlu uagut misilittagaqarfigilluarparput.

Inuusuttut nangeqattaartuliami tunumiusut isiginnaartitsissapput. Isiginnaartitsisartut inuusuttut kajumissutsiminnillu isiginnaartitsisarnerit siusinnerusukkut annertuumik suliarisarsimavagut. Immiussinerni teknikkikkut ilinniagaqarnissamut periarfissaalluarpoq aammalu filmiliortar-tut qanoq suleriuseqarnerannik, filmiliutip saavani tunuanilu, taamatullu inuusuttut killuineramik filmiliunnginnermilu piareersaatinut peqataas-sallutik.

Illoqarfimmi arlalissuarnik suleqateqarpugut ulluinnarni inuusuttunut attaveqartartunik. Soorlu assersuutigalugu Atuarfik, Sunngiffimmi naapit-tarfik, Ilinniartut inaat, Igdlo aamma SiuTsiu. KnR-imit takutinneqarnissaa neriorsuutaareerpoq (nangeqattaartuliaq piviusunngussappat).

Michael Noer (R, Førr Frosten, Papillon il.il.) ikorfartortaavoq suleqataallunilu aamma Aaja Chemnitz (IA) pilersaarummut tapersersuivoq,

qinnuteqartog / qinnuteqaassutaq / siunertag / suliniutip allaaserinera: | akuersissutaasut:

aningsaasasaqartinnaguli.

Siullermik Tasiilaliarniassatsinnut aningaasanik qinnuteqarpugut, inuusuttut naapinnissaannut oqaluttuaat aallaavigalugit nangeqattaartuliap pilersinnissaanut. Aamma isiginnaartitsinermut-workshoppinik sanassaasut kikkut tamarmik peqataaffigisinnaasaannik nangeqattaartuiamullu inuttassat pingaernerit misilittarlugit. Taakkulu saniatigut misiliutinik sapinngisamik amerlanerpaanik inuusuttut peqatigalugit filmiliorluta. Maannakkut kalaallimik nunaqavissumik ingerlatsisussamik nassaarniarsarivugut, inunnillu soqutiginartunik arlalinnik oqaloqateqarluta. 3+ illoqarfimmi inuusuttut peqataarusuttut amerlanerpaat. Piffimmi suleqatigisatsinnit paasereerpaarput pilersaarut annertuumik soqutigine-qareersoq.

Christian Keldsen

150.000

Nuuk

Sulisitsut

Nuuk

Future of Greenland-ip 2024-imi inuusuttunut ataatsimeersuartitsinissaa

Siunertap nassuarneqarnera:

Sulisitsisut Kalaallit Nunaanni inuusuttunut 15-25 ukiuinnut ataatsimeersuartitsiniarpoq inuusutissarsiornermut ataatsimeersuarnermut Future Greenland 2024-imut aallarnisaasaasutut. Siunertaavoq inuusuttut soqutiginnilersinnissaat, taakku Kalaallit Nunaata siunissarimmagit ataatsimeersuarnermillu piviusumik misigisaqartillugit saqqummiussanik oqallisissanillu soqutiginartunik misigitinneqarlutik, tassanilu anguniagaavoq inuusuttunit 'inersimasunut' Future Greenland-ip ataatsimeersuarnerani peqataasunut ersarissumik oqariartuuteqarnissaq. Sammisaaq piujuartitsinermut tunngavoq pinngortitalu pissarititai piorsarsimassuserlu ilanngullugit, ilinniarfiillu ilaanni atuartitsissutissanut ilanngunneqassallutik, ataatsimeersuarnerup sammisai ataatsimeersuareernermi siaruartikkumallugit.

Ataatsimeersuarneq inuusuttunut akeqassanngilaq, taamaattumillu aningaasaateqarfimmut qinnuteqaatigineqarput Katuamut aningaasartuutitut, nerisaqarnermut, saqqummiisunut, pilersaarusiornermut il.il.

Aaqqissuussaq Future Greenlandip saniatigut aningaasalorsorneqarpoq, pingaartutullu isigineqarluni inuusuttut inuiaqatigiinni oqallinnermut soqutiginnilersinnissaannut ineriartornerminnullu imminnut akisussaaffiginissaannut.

Future of Greenland 2024 Inuusuttunut ataatsimeersuartitsineq

Sulisitsisut (GE) ukiut allortarlugit Kalaallit Nunaanni inuusutissarsiornermut ataatsimeersuarnermut annerpaamut Future Greenland aaqqisuisuusarpoq. 2024-ataatsimeersuarnissamut (14.-15. maj 2024) aallarnisaatitut Sulisitsinut inuusuttunut ataatsimeersuartitsinermik pilersitserusupput taallugu, Future of Greenland, Kalaallit Nunaanni meeqaat atuarfiini angajullit (9.-10. klasse), ilinniarnertuunngorniarfiit (Niuernermik ilinniarfik, KTI allallu ilanngullugit) kiisalu ilinniarfiit ingerlariaqqiffiusunullu sammitinniarneqarluni. Ataatsimeersuarnerup siunertaraa inuusuttut, Kalaallit Nunaata siunissai, tusarneqarnissaannik periarfissikkumallugit ataatsimeersuarnermillu peqataanermik misigitikku-

qinnuteqartoq / qinnuteqaassutaq / siunertaq / suliniutip allaaserinera: | akuersissutaasut:

mallugit Future Greenland isumassarsiorfigalugu.

Ataatsimeersuarneq piujuaannartitsinermik aallaaveqassaaq sammisarlu assigiinngitsunik sammiveqassalluni. Ataatsimeersuarneq ullup affaanik sivisussuseqassaaq ataasinngorneq 13. maj 2024 saqqummiinernik, oqallinnernik peqataasunillu akuutitsinernik. Siunertaavoq ataatsimeersuavinnermik inuusuttut misigitinneqarnissaat takutilugu inuiaqatigiini inuusutissarsiutit periarfissikkumallugillu Kalaallit Nunaanni qinikkat ilaannik nuimasunillu naapitaqarnissaannut.

Inuit 400-t suliniummi peqataapput.

Angunnguaq Larsen, Siulittaasoq

250.000

NunaFonden

Nuuk

Aviaja Rohmann Hansen

Nuuk

Meeqqat inuusuttullu aliasunnermi aamma nammineq piumassuseq aallaavigalugu siuarsaaneq

Sulinermi mappi maani Kalaallit Nunaanni namminneq kajumissutsiminnik sulisunut suliarineqassaaq, meeqqanut inuusuttunullu, annaasaqarsimasunut – imaluunniit inuunermi ajornartorsiutinik naapitaqarsimasunut annaasaqarsimasunut tapersersoqatigiittarfimmik aallartitsilutillu ingerlatserusuttunut.

Sulinermi mappi qallunaatut kalaallisullu suliarineqarluni piareerpat Kalaallit Nunaanni sapinngisamik illoqarfinnut amerlanerpaanut angalasaanga annaasaqarsimasunut imaluunniit avinnermik aqquusaagaqarsimasunut namminneq kajumissutsiminnik sulerusuttunut pikkorissaajartorlunga. Atortussat Kalaallit Nunaanni pissutsinut tulluussagaapput.

Ukunani illoqarfinni pikkorissaanissaq naatsorsuutigineqarpoq:

- Nuuk
- Maniitsoq
- Sisimiut
- Aasiaat
- Ilulissat
- Uummannaq
- Qaqortoq
- Narsaq
- Tasiilaq

Angalaneq ineqarnerlu ilaassapput.

[qinnuteqartog / qinnuteqaassutaq / siunertag / suliniutip allaaserinera:](#)

[akuersissutaasut:](#)

Illoqarfinnut angalanissaq ajornassappat, pikkorissaanerit Zoom imaluunniit skype atorlugu ingerlanniarsarissavakka.

Aliasunneq sunaava

Aliasunneq misigissusaavoq, nappaataanngilaq, annaasaqarnermili, toqusoornermi, avinnermi imaluunniit inuunermi allanngorurussuarnerup kingunera. Aliasunneq suliarineqanngikkuni, inuk, inuunermi sinnerani ajoqusersinnaavoq imaluunniit PTSD – porsttraumatisk stress disorder atulerlugu. Taamaattumik pingaartuuvoq, aliasunnerup suliarinissaa, pingaartumik meeqqani.

Aliasunneq meeqqanut inuusuttunullu qanoq sunniuteqartarpa

Aliasunneq suliarineqarsimatinnagu, meeqqat matoqqasunngortarput, inoorusussutaaruttarlutillu kissaatigilerlugu toqusoorutigisimasamik toqumut malinnissaat. Atuarfimmi imaluunniit ilinniarnermi malinnaanissaminut ajornartorsulertarput. Kiserliulertarput inuiaqatigiinniillu avunngarukkaluttuinnartarlutik.

Meeqqanut inuusuttunullu qanoq iliuuseqarsinnaavugut

Annaasaqarsimasunut tapersersoqatigiinnermi aliasunneq meeqqanut oqaasinngortinniarneqassaaq, ataqatigiinnermik misigilersillugit allat aamma taamatut atugaqartarnerat aallaavigalugu. Aliasunnerup inooqatigilernissanut ikiussavagut takutillugugu, aliasunnerup oqaasinngortinneratigut, anniaat kiserliornerlu minnerulersinneqarsinnaasoq.

Namminneq kajumissutsiminnik suliniartut sussappat

Annaasaqarsimasunut tapersersoqatigiinnermi namminneq kajumissutsiminnik sulisut tamarmik inersimasuupput 18-nit qaangerlugit ukiullit, namminneq annaasaqarsimasut toqusoornermikkut imaluunniit avissimasunut meeraasut. Aliasunnertik paasisimassavaat, namminneerlutik meeqqaminut aliasunnertik ingerlateqqinnginniassagamikku. Namminneq kajumissutsiminnik sulisut tamarmik meeqqat inissisimanerannut inissisimassapput pingaartuuvorlu, meeqqat takusinnaassagaat, namminneq kajumissutsiminnik sulisut alianartunik aqquusaagaqarsimagaluarlutik, nalinginnaasumik inuuneqartut meeqqallu neriuteqalersillugit, aamma namminneq piffissap ingerlanerani – aliasunnerup inooqatiginera ilikkarsinnaagaat.

Anguniagara sunaava

Anguniarpara sulinermit mappimik kalaallisut qallunaatullu sananissara, meeqqanut toqukkut, avinnikkut, imminornikkut, toqujartortunik angajoqqaqartut aammalu inuunermi kingunerlutsisunut atorneqartussamik. Sulinermit mappi naammassippat, Kalaallit Nunaanni illoqarfinnut angalassaanga, namminneq kajumissutsiminnik sulisunut, annaasaqarsimasunut tapersersoqatigiinnik pilersitserusuttunut, pikkorissaajartorlunga illoqarfigisaanni. Illoqarfinni, tikissinnaanngisanni, neriutigaara, Zoom imaluunniit FaceTime atorlugu pikkorissanissara.

Pilersaarutima piffissalersornera

Sulinermit mappi aggustusimi septembarimiluunniit naammassinissaa naatsorsuutaavoq apeqqutaalluni, naqiterisarfiup lpera qanoq ulapitsiginera qaammatit tulluuttut marluk qaangiutsinnagit sulinermit mappi piareernissaanut.

NunaFonden-imit aningaasat tapiissutaasussat

NunaFonden-ip sulinermit annaasaqarsimasunik tapersersoqatigiit pillugit sulinermit mappiornissamut tapersersuerusussappat, periarfissinneqassaanga namminneq kajumissutsiminnik sulerusuttunut pikkorissartitsinissannut. Pingaartuuvoq oqariartuut Kalaallit Nunaanni amerlaner-

qinnuteqartog / qinnuteqaassutaq / siunertaq / suliniutip allaaserinera: | akuersissutaasut:

paanut apuunneqarnissaa sulinermi mappi Kalaallit Nunaanni pissutsinut naleqqussagaammat kalallinillu immikkut ilisimasaqartunik atuarneqaqqaassalluni saqqummersinnginnerani.

Allat

Tupinnaqaaq sulinermi mappi arlariinnik oqaatsinut suliarinerata pingaassusaa suliarineqassallunilu uanga misilittakkakka aallaavigalugit, tassa uanga annaasaqarsimasunik tapersersoqatigiinnik maani Nuummi ukiut tallimat ingerlatsisimagama. Atortut sananeqarput, kikkut tamarmik Kalaallit Nunaanni, atorsinnaasaannik, tamannalu pingaartorujussuuvog, atortut qallunaatuumiit nutserneqaannassannginnamik, kalaallit nunaanni pissutsinut naapertuutingitsumik.

Suliniuteqatoq 1-seq, namminneq piumassusiminnit suliniuteqarusuttut + pikkorissarlutik peqataasuaat suliniummi peqataapput

Keld Z. Aaes

190.000

Maniitsoq

Poul Olsen

Sisimiut

Arctic Circle Business

Maniitsoq

Maniitsoq-mi qatserisartuaqqanut inuusuttuaraasunut atortorissaarutit.

Siunertaq

Inuusuit illersortariallit qatserisartuaranngorlugit ilitsersorneqarnissaat, aamma ilinniagaqalernissamut, suliffeqalernissamut aamma sunngiffimmi peqatigiiffinni peqataalernissamut naleqqussarnissaat.

Maanna Maniitsoq-mi qatserisartuaqqanut ilitsersuisut marluk taamaaliortuunissamut ilinniarsimalerput, erinigaallu qatserisartuaqqat ilitsersorlugit aallartinnissaminnut.

Ilitsersuineq pisinnaassammat pisariaqarpoq atortorissaarutinit pissarsinissaq, atortorissaarutit angissusimikkut inuusuttuaqqanut naleqquttut. Atortorissaarutit siunissami qatserisartuaraarusuttussat aamma atorsinnaasaat. Atortorissaarutit unani pineqarput qatserilluni kavaajat, qatserilluni qarlisuit, niaqorornaveeqqutit, nasaasat, qatserilluni aqqatit, qatsserilluni gummersuit aamma tujuuluaqqat. Taakku qaavisigut nassitsineq aamma inuusuttuaqqat ilinniarnermi nalaani nerisaqarnissaat.

Inuusuit 15-it illersortariallit 13-niniit 16-ninut ukiullit piviusunngortilersaakkami peqataapput.



qinnuteqartog / qinnuteqaassutaq / siunertag / suliniutip allaaserinera: | akuersissutaasut:

Line Poulsen Nuuk	50.000
Nuummi Eqaarsaartartut - Nuuk Gymnastik Nuuk	
REWILD – workshop-, ilinniartitsineq- takutitsiartorlunilu angalaneq Siunertap allaaserineqarnera Meeqqat inuusuttullu eqaarsaarnermik nuannersumik, peqqinnartumik unammillernartumillu misigisaqartinnissaat kissaatigalugu, timersor- nermik ilinniartitsisut peqatigiiffinnilu ilitsersuisut eqaarsaarnermik isumassarsiorfiusinnaasumillu ilinniartitsinissamut aammalu nipilersuu- serluni eqaarsaarnermik takutitsinermik, pissittaarluni eqaarsaarnermik qitinnermillu takutitsinissaq anguniarlugu, pilersaarut una pilersinne- qassaaq: 1. Workshop-, ilinniartitsineq- aamma takutitsiartorluni angalaneq oktober 2022 Kangerlussuarmut, Nuummut, Tasiilamut, Kulusummut, Kuum- miunut, Sermiligaamullu. Angalaneq eqaarsaartartunit 28-nit ilitsersuisunillu marlunnit DGI Fyns Rep-imeersunit Nuummilu Eqaarsaartartunit ataatsimik aallartitaqartumit. 2. Tasiilamut eqaarsaarnermut atortunik nutaaliaasunik pisineq, angalareernerme illoqarfimmiiginnartussanik atuarfimmi imaluunniit peqatigiif- fimmi eqaarsaarnermut aalanermullu toqqammaviusussanik. Inuit 30-t suliniummi peqataapput + isiginnaariallu.	

2022-mi septemberimi akuersissutit katinnerat qinnuteqaatinut tamarmik  
100.000,- kr.-ninit annertunerusut 2022-mi aprilimiit 2022-mi augustimut tigusimasavut aallaavigalugit: 840.000

Takusassiaq una 2022-mi ukiog tamaat akuersissutit allattorsimaffiani aamma akuuvoq.  
Akuersissutit ukiuni aggersunut atasut ukiut aggersut pineqarfiini ilaatinneqarput.